

臺灣文獻匯刊

■ 陳支平 主編

第二輯

第三冊

◎◎ 九州出版社
◎◎ 廈門大學出版社

臺灣文獻匯刊

第二輯 ◎ 第三冊

閩頌匯編(二)

◎◎九州出版社
◎廈門大學出版社

起行日期

題爲欲淨海逆等事康熙二十二年四月十七日臣閱邸報內開兵部議覆福建水師提督施一疏內議平陽總兵朱天貴并原帶兵丁均准發回原汛等因具題奉

旨施琅見今進勦臺灣深入海島關係重大朱天貴官兵應留在後策應着再議具奏欽此應將朱天貴併伊原帶兵丁遵

旨仍留閩省在後策應仍聽提督施酌量調遣可也等因又爲移商大舉事准水師提督施

咨開緣照本月二十日接閱邸報小抄內
奉

旨施 現今進勦臺灣深入海島關係重大朱天
貴官兵畱在後策應着再議具奏等因爲查
進勦師期已迫計澎湖臺灣水道千有餘里
此乃貴部院年來經歷所洞曉深知者若以
留船在後策應似無濟緩急一用况陸師用
兵犄角聲援尙必旌旗相望不離前後左右
立呼立應方爲至計今進勦臺灣遙隔於汪
洋大海之中風信流水少逆咫尺難以相及

以本提督管見此時南方進勦更利於趕繪
雙蓬艚較爲快捷貴部院捐造大小船隻捐
膳官兵原爲航勦起見茲奉有進勦重大策
應之

旨莫如將此項挑選一半蓬檣慣練勇敢官兵配
駕船隻同本提督一齊進發用奏膚功其餘
一半留在後策應以備貴部院調遣總之此
畚得藉蕩平逆穴皆出貴部院之調度碩畫
克有成效也應否可行統候裁奪等因到臣
准此當卽移覆提臣一遵分調去後該臣看

得出海進勦關係匪輕兵凶戰危利鈍莫測
是以臣雖奉

旨停征催趲糧餉而臣稍膳船兵撥與朱天貴統
領者自去年六月至今不敢解散每月俵糧
等項悉係臣竭力苦湊捐給一鎮官兵依然
雄壯如故也今奉

旨朱天貴官兵留後策應仰見

皇上明燭萬里卽臣亦不虛此竭捐養膳數年之
苦心矣茲准提臣施 咨移將臣稍膳官兵
船隻挑選一半遴撥慣練勇敢官兵配駕船

隻同提臣一齊進發其餘一半留在後策應等因前來隨即照會鎮臣遵照去後但臣前所捐造船隻日久晒淋甚多損壞已經晝夜捐修以副師期并將平陽鎮官兵所需四五六閏六共四個月官兵餉銀糧米盡數苦捐預帶在船一照水師提督預支數目全辦以鼓軍心自康熙二十年五月與十月起至二十一年六月止所捐數目已經

題報在案今又自二十一年七月起至二十二年閏六月止給過俸餉行糧銀米料草備造

清冊共用銀六萬四千二百四十一兩五錢
八分八釐七毫送部查核外但臣實奇窮此
畚出海官兵船隻上不敢請

國帑下不忍害殘黎俱臣竭蹶苦辦凡臣所有
銀盤杯碗并臣妻妾簪鐲之數悉率抵筭不
足又挪動庫銀一萬二千九百六十兩容臣
一年之內竭蹶措還不敢遲欠卽鎮臣衆將
官兵見臣如此苦湊亦共相視感歎莫不涕
零各矢用命其同提臣統臣捐膳兵一千一
百名捐船六十一號過洋進勦者則平陽鎮

臣朱天貴隨征總兵游灝游舉隨征都督馬
俊臣標陞任留閩副將林寶等也其統臣捐
兵弁調陸師兵共駕捐船四十三號出海策
應者則興化鎮臣吳英建寧副將謝思禮署
叅將事本標守備洪範等也其統臣標經制
陸師沿海策應者則臣標叅將今陞汀州副
將薛受益及臣標遊擊王祿隨征左都督署
臣標內左營遊擊閩國柱等也俱定于本月
初八日臣親統水陸官兵起行前赴遼羅金
門聽候提臣密期進勦所有徵臣及水陸官

兵起行日期應先密疏

題明凡有一切

欽案部件伏乞展限容臣班師次第完結合併聲

明伏乞

皇上睿鑒勅部議覆施行

康熙二十二年五月

初四

日

閩頌匯編

--	--	--	--	--	--	--	--	--

報明出師月餉

題爲報明措借出海官兵預支月餉全經給足
無悞師期事切照出海航勦師行糧從誠不
可少祇緣閩省二十一年綠旗兵餉經前任
撫臣吳 通用銀三十九萬七千餘兩請
補未奉內部撥到餉額懸缺况水師提臣出
海每於上季卽預支下季米折兵餉今康熙
二十二年春季卽預支夏季米折兵餉共計
一十七萬餘兩又預支犒賞銀二萬五千兩
亦不得不竭力措辦方可無悞師期也臣思

舊餉缺額如許未補奉撥浙省二十二年上半年新餉尚未全到而提臣揚帆在海候風進勦有呼必應須臾不容稍緩臣已前跪題請撥給在案柰辰下並無夙貯可動點金乏術臣恐愆遲師期除將陸兵四五兩月錢糧那給水師預支外尙不敷足萬不得已于五月初七日在省南臺地方傳喚江南浙江及粵東在閩貿易各商人汪成周伸等臣諄諄勸諭親給總督印票暫借出商本銀十二萬一千二百兩湊應支給糧餉及預備犒賞去後限

一月交還如若過期臣自每兩捐利一分二
釐補商臣亦于五月初八日自省起行親統
水陸官兵于五月十三日現抵廈門遼羅沿
海策應所有水師提臣預支月餉米折及犒
賞銀兩俱經備足至閏六月悉經全給無悞
師期矣相應

題明臣謹具疏密

題伏乞

皇上睿鑒施行

閩頌匯編

康熙二十二年五月

日

飛報鎮臣奮勇陣亡

題爲飛報鎮臣奮勇破賊捐軀我兵大獲全勝
大敗海賊攻克澎湖事切照平陽鎮總兵朱
天貴統臣捐膳船兵興化鎮總兵吳英統臣
捐膳船兵准提臣咨調一同進勦臣于五月
二十四日已經遣發同進

題報在案今于六月二十日據總兵朱天貴稟
稱天貴于十四日從銅山開船至十五到八
罩山定泊十六日合踪前進娘媽官澳打仗
天貴所坐之船獨先衝陣詎逆賊四圍岸口